



Adresa: **Ul. Hamdije Čemerlića 39**  
71000 Sarajevo  
<http://www.voda.ba>

tel. +387 33 726 422  
fax. +387 33 726 423  
e-mail: [info@voda.ba](mailto:info@voda.ba)

Broj: UP-1/21-3-40-460-6/23

Datum: 04.12.2023. godine

„Agencija za vodno područje rijeke Save“ Sarajevo, rješavajući po zahtjevu pravnog lica Javno preduzeće „Vodovod i kanalizacija“ d.o.o. Gračanica za zahvatanje vode iz izvora „Vrela“ i „Ilidža“ preko izgrađenih kaptaža na zemljištu označenom kao k.č. 2455/3, 2456 i 2346 K.O. Soko, grad Gračanica, u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema na području grada Gračanica, na osnovu člana 139. stav (1) tačka 1. Zakona o vodama ("Službene novine Federacije BiH", broj 70/06), člana 200. stav (1) Zakona o upravnom postupku ("Službene novine Federacije BiH", broj 2/98, 49/99 i 61/22), donosi

### **RJEŠENJE** **o vodnoj dozvoli**

1. Daje se vodna dozvola pravnom licu Javno preduzeće „Vodovod i kanalizacija“ d.o.o. Gračanica za zahvatanje vode iz izvora „Vrela“ i „Ilidža“ preko izgrađenih kaptaža na zemljištu označenom kao k.č. 2455/3, 2456 i 2346 K.O. Soko, grad Gračanica, u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema na području grada Gračanica, pri čemu se trenutno zahvata količina od  $Q=18-33$  l/s.
2. Vodna dozvola se daje na osnovu dostavljene dokumentacije, izvršenog uviđaja na objektima, utvrđenog činjeničnog stanja i uz slijedeće uslove:
  - 2.1. Da korisnik predmetnih vodozahvatnih objekata iste održava u funkcionalnom stanju i koristi u skladu sa njihovom prirodom i namjenom, te u skladu sa uslovima iz ove vodne dozvole.
  - 2.2. Da korisnik vodozahvatnih objekata u cilju kontrole, evidencije i plaćanja količina zahvaćene vode vrši mjerenje iste, a što se u ovom trenutku obezbjeđuje putem mjerača protoka (Endrees+Hauser, vrsta Promag W400, DN200/8", broj:NA270E19000, Endrees+Hauser, vrsta Promag W400, DN150/6", broj:NA271019000 i Endrees+Hauser, vrsta Promag W400, DN150/6", broj:NA271119000. Evidenciju o mjerenju zahvaćene količine vode vršiti u skladu sa Pravilnikom o sadržaju i načinu vođenja evidencije i dostavljanje podataka o količinama zahvaćene vode („Službene novine FBiH“ br. 83/08).
  - 2.3. Da obezbijedi tehničku ispravnost ugrađenih mjernih uređaja za evidentiranje zahvaćene količine vode, opreme na objektima transportnog sistema, odnosno da redovno vrši baždarenje mjerača protoka u skladu sa propisima o mjernim uređajima.
  - 2.4. Da se uredno vodi dnevnik rada u koji će se unositi podaci o postupku tretmana vode i potrošnji svih hemikalija.
  - 2.5. Da se vrši stalna dezinfekcija vode kloriranjem kao i kontrola rezidualnog hlora u distributivnoj mreži u skladu sa Pravilnikom o zdravstvenoj ispravnosti vode za piće ("Službeni glasnik BiH", 40/10, 43/10, 30/12 i 62/17).
  - 2.6. Korisnik je dužan vršiti redovnu kontrolu uskladištenih hemikalija i obezbijediti takve uslove koji će spriječiti zagađenje površinskih i podzemnih voda uskladištenim materijama, odnosno, obezbijediti moguće isticanje hlora i drugih komponenti iz objekata i iz posuda, odgovarajućim tankvanama. Takođe je dužan obezbijediti adekvatan apsorber za prikupljanje hemikalija u slučaju incidentnog izlivanja.
  - 2.7. Da ukoliko se redovnim ili vanrednim analizama kvaliteta vode utvrdi da ista ne zadovoljava uslove vode za piće propisane važećim Pravilnikom o zdravstvenoj ispravnosti vode za piće, vodovodni sistem isključiti iz upotrebe, odnosno da se blagovremeno i na adekvatan način obavijeste krajnji potrošači da voda nije za piće.

- 2.8. Da kontrolu ispitivanja kvaliteta vode za potrebe vodosnabdijevanja vodom za piće stanovništva mogu vršiti samo ovlaštene laboratorije, u skladu sa članom 48 stav 3. Zakona o vodama.
- 2.9. Da se stalno sprovode zaštitne mjere za izvorišta po Odluci o zonama sanitarne zaštite i zaštitnim mjerama za izvorišta „Vrela“ i „Ilidža“ za snabdijevanje vodom za piće grada Gračanica, donesenoj od strane Općinskog vijeća Gračanica, broj: 01-05-00594-2011 od 28.02.2011. godine. Ova Odluka je bazirana na tada važećem Pravilniku o uslovima za određivanje zona sanitarne zaštite i zaštitnih mjera za izvorišta voda koje se koriste ili se planiraju koristiti za piće, a u međuvremenu je donesen novi Pravilnik o načinu utvrđivanja uslova za određivanje zona sanitarne zaštite i zaštitnih mjera za izvorišta voda za javno vodosnabdijevanje („Službene novine Federacije BiH“, br. 88/12). Usklađivanje postojeće Odluke je obavezno izvršiti prema Prijelaznim i završnim odredbama, član 15. Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta voda za javno vodosnabdijevanje.
- 2.10. U cilju najstrožije kontrole prostora na kome su smješteni vodozahvatni objekti-kaptažni objekti i prateći objekti potrebno je na odgovarajući način obilježiti upozorenjem o zabrani neovlaštenog pristupa. Ogradu i ograđeni prostor oko izvorišta „Vrela“ i „Ilidža“ potrebno je održavati što znači da je ovaj prostor potrebno kositi, uklanjati samoniklo šibljje i grmlje i isti obezbijediti i drugim mjerama fizičke zaštite i osiguranja, a što prvenstveno uključuje službu fizičkog obezbjeđenja na izvorištu (povremeni obilazak ili stalna posada), te alarm, video nadzor i druge mjere zaštite, ukoliko se to ocijeni potrebnim.
- 2.11. Korisnik je dužan da u roku trajanja ove vodne dozvole, u skladu sa važećom legislativom pokrene inicijativu za dobivanje upotrebne dozvole izgrađenih vodozahvatnih objekata i pratećih objekata infrastrukture, kao dijela cjelokupnog sistema vodosnabdijevanja.
3. Korisnik objekata treba da u cilju kontrole, evidencije i plaćanja količina zahvaćene vode vrši kontinuirano mjerenje količina zahvaćene vode i podatke o tim mjerenjima unosi u Knjigu evidencije o količinama zahvaćene vode. Korisnik objekata je obavezan vršiti plaćanje posebne vodne naknade u skladu sa članom 170 stav 1. tačka 1. alineja 1. Zakona o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).
4. Prava stečena po ovoj vodnoj dozvoli ne mogu se prenositi na treća lica, a ista se mogu izmijeniti u zakonom propisanim slučajevima.
5. Ukoliko prilikom upotrebe vodozahvatnih objekata koji je obuhvaćen ovom vodnom dozvolom dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekata je dužan uzroke štete otkloniti, a nastale štete nadoknaditi.
6. U ovoj upravnoj stvari plaćene su sve upravne pristojbe.
7. Ova vodna dozvola, shodno članu 117. stav 1. Zakona o vodama („Službene novine Federacije BiH“, broj 70/06) se daje sa rokom važenja od pet (5) godina od pravosnažnosti ovog rješenja.
8. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
9. Za izgradnju novog ili rekonstrukciju ili uklanjanje postojećeg objekta te promjenu uslova zahvatanja vode sa izvora „Vrela“ i „Ilidža“, ako bi se time uticalo na promjenu kvaliteta i kvantiteta voda, odnosno ako se time mogu trajno, povremeno ili privremeno prouzrokovati promjene u režimu voda, korisnik predmetnih objekata je dužan pribaviti vodne akte (prethodnu vodnu saglasnost, vodnu saglasnost i vodnu dozvolu).
10. Ovo Rješenje o vodnoj dozvoli može se izmijeniti ukoliko nastupe okolnosti iz člana 130. stav (1) Zakona o vodama.

### Obrazloženje

Pravno lice, Javno preduzeće „Vodovod i kanalizacija“ d.o.o. Gračanica obratilo se ovoj Agenciji sa zahtjevom za izdavanje Rješenja o vodnoj dozvoli za aktivnosti na zahvatanju vode sa izvora „Vrela“ i „Ilidža“ preko izgrađenih kaptaža na zemljištu označenom kao k.č. 2455/3, 2456 i 2346 K.O. Soko, grad Gračanica, u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema grada Gračanica, pri čemu se trenutno zahvata količina od  $Q = 18-33$  l/s.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Rješenje o izmjenama podataka, broj:032-0-Reg-23-001183 od 21.08.2023. godine izdato od strane Općinskog suda u Tuzli ovjerena – kopija,
- Rješenje o vodnoj dozvoli, broj: UP-I/25-3-40-312-4/21 od 14.09.2021. godine izdato od strane Agencije za vodono područje rijeke Save, Sarajevo – kopija,
- Ugovor o koncesiji za korišćenje vode u općinskom sistemu vodosnabdijevanja Gračanice, broj:04/1-01-25-008204-18/14 od 08.01.2015. godine potpisan sa Ministarstvom poljoprivrede, šumarstva i vodoprivrede Tuzlanskog kantona – kopija,
- Odluka o zonama sanitarne zaštite i zaštitnim mjerama za izvorišta Vrela i Ilidža za snabdijevanje vodom za piće općine Gračanica, broj:01-05-00594-2011 od 28.02.2011. godine donesena od strane Općinskog vijeća – kopija,
- Izvještaj o ispitivanju vode iz izvorišta Ilidža, Soko, Općina Gračanica, broj:2596/23 od 08.10.2023. godine urađen od strane TQM d.o.o. Lukavac,
- Ovjernica/Uvjerjenje broj:037/20/22 o udovoljenju mjeriteljskim zahtjevima od 18.02.2022. godine izdata od strane Zavoda za mjeriteljstvo – I.B.E. Junuzović d.o.o. Sarajevo – kopija,
- Ovjernica/Uvjerjenje broj:038/20/22 o udovoljenju mjeriteljskim zahtjevima od 18.02.2022. godine izdata od strane Zavoda za mjeriteljstvo – I.B.E. Junuzović d.o.o. Sarajevo – kopija,
- Ovjernica/Uvjerjenje broj:036/20/22 o udovoljenju mjeriteljskim zahtjevima od 18.02.2022. godine izdata od strane Zavoda za mjeriteljstvo – I.B.E. Junuzović d.o.o. Sarajevo – kopija,
- Operativni plan u slučaju incidentnih zagađenja za objekat kanalizacione mreže u gradu Gračanica, juli 2022. godine,
- Elaborat noveliranje i dopuna zona sanitarne zaštite izvorišta vodovodnog sistema Gračanica urađen od strane „Zavod za vodoprivredu“ d.d. Sarajevo, januar 2016. godine, broj: 03-21-167-28 / 15,

- Izvještaji o uzorkovanju br. 3905-5/23 i 3905-3/23 od 26.10.2023. godine urađeni od strane „Euro inspekt“ d.o.o. Sarajevo – kopija,

- Pravilnik o održavanju, korištenju i osmatranju objekata vodovodnog sistema JP „Vodovod i kanalizacija d.o.o. Gračanica, oktobar 2019. godine,

- Dokaz o uplaćenju federalnoj upravnoj pristojbi na zahtjev  
Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.  
Nakon pregleda dostavljene dokumentacije, u skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20, 63/22), izvršen je uviđaj na terenu i tom prilikom sačinjen Zapisnik broj: UP-1/21-3-40-460-4/23 od 30.11.2023. godine.

Na osnovu dostavljene dokumentacije, izvršenog uviđaja na licu mjesta utvrđeno je slijedeće:  
➤ Izvori „Vrela“ i „Ilidža“ kaptirani su 1960. godine za potrebe snabdijevanja vodom potrošača na teritoriji općine Gračanica. Izvorišta se nalaze u naselju Soko na udaljenosti oko 6,0 km od centra Grada. Kaptiranje vrela izvršeno je klasičnim armiranobetonskim kaptajnim građevinama. U kaptajama se vrši automatsko hlorisanje vode natrijum hipohloritom.

➤ Zahvaćene vode sa oba izvorišta se preko rasteretne komore odvođe do rezervoara «Gaj» zapremine  $V=1800 \text{ m}^3$ . Mjerenje količine zahvaćenih voda vrši se zbirno na izlaznom cjevovodu iz rezervoara Gaj prema potrošačima ka tri pravca: Gradu, Čiriš i Mejđanić sa tri mjerača protoka. Uža zaštitna zona oko oba izvorišta i rezervoara je propisno ograđena i obilježena. Redovno se vrši kontrola kvaliteta zahvaćene i isporučene vode od strane ovlaštene laboratorije, po ugovoru

➤ Izvori «Vrela» i «Ilidža» su kraškog karaktera sa velikim oscilacijama u kapacitetu te zahvaćena količina vode se kreće od 18-33 l/s. U toku topljenja snijega i pri velikim padavinama izvorišta „Vrela“ i „Ilidža“ se mute i tada su van upotrebe. Ugrađena je oprema za kontinuirano mjerenje mutnoće sa automatskim zatvaranjem ventila u slučaju prekoračenja dozvoljenih vrijednosti. Grad Gračanica je pokrenula proceduru za izgradnju postrojenja za tretman vode za piće sa oba vrela. U toku je izgradnja postrojenja. U sklopu postrojenja predviđena je i ugradnja automatskog mjerača protoka. Na terenu je izgrađeno cca 70% projektovanih aktivnosti.

➤ Za predmetno izvorište nije izvršeno usklađivanje Odluke o zonama sanitarne zaštite i zaštitnim mjerama za izvorišta „Vrela“ i „Ilidža“, za snabdijevanje vodom za piće grada Gračanica, sa odredbama Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnabdijevanje („Službene novine Federacije BiH“,



broj 88/12) što je bio uslov ranije izdatog Rješenja o vodnoj dozvoli. Elaborat je urađen od strane „Zavoda za vodoprivredu“ d.d. Sarajevo i u toku je procedura usvajanje Odluke o zaštiti izvorišta. Propisane mjere zabrane i ograničenja se na terenu djelimično provode po staroj Odluci. Najveća opasnost za očuvanje izvora u kvalitativnom i kvantitativnom smislu dolazi od sječe šume u slivnom području.

➤ Na samom vodocrpilištu, vodozahvatnim objektima u prethodnom periodu (od izdavanja Rješenja o vodnoj dozvoli) nisu vršeni građevinski radovi (rekonstrukcije kaptaža i sl).

➤ Korisnik je upoznat sa potrebom ishodovanja upotrebne dozvole izgrađenog vodozahvatnog sistema kao dijela cjelokupnog sistema vodosnabdijevanja, od nadležnog organa, u skladu sa važećom legislativom.

Na osnovu provedenog postupka, a prema članu 107. stav 1. i 2. Zakona o vodama, u svrhu ostvarivanja prava na vodu drugim korisnicima kao i održivog korištenja voda, korisniku objekata Javnog preduzeću „Vodovod i kanalizacija“ d.o.o. Gračanica ovom su vodnom dozvolom, u tački 2. dispozitiva rješenja, propisani uslovi za korištenje istih. Podnosilac zahtjeva, kao korisnik objekata obavezan je pridržavati se navedenih uslova, u skladu sa članovima 48., 64., 66. i 116. Zakona o vodama i članovima 13. i 14. Pravilnika o sadržaju, obliku i uvjetima i načinu izdavanja i čuvanja vodnih akata. Konstatuje se da je podnosilac zahtjeva Javno preduzeće „Vodovod i kanalizacija“ d.o.o. Gračanica ispunio minimum uslova za izdavanje vodne dozvole za zahvat vode sa izvora „Vrela“ i „Ilidža“ preko izgrađenih kaptaža na zemljištu označenom kao k.č. 2455/3, 2456 i 2346 K.O. Soko, grad Gračanica, u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema grada Gračanica pri čemu se trenutno zahvata količina od  $Q = 18-33$  l/s, te je riješeno kao u dispozitivu ovog rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o federalnim upravnim taksama i tarifi federalnih upravnih taksi („Službene novine Federacije BiH“, broj 6/98, 8/00, 45/10 i 43/13). Podnosilac zahtjeva je izvršio uplatu po Zaključku broj: UP-1/21-3-40-460-5/23 od 01.12.2023. godine.


#### **Uputa o pravnom lijeku**

Protiv ovog rješenja se može uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana prijema Rješenja. Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Voditelj postupka:

mr.sc. Selma Merdan, dipl.inž.geol.

Po ovlaštenju  
Rukovodilac Sektora za izdavanje vodnih akata



*Haris Ališehović*  
Haris Ališehović, dipl.ing.građ.

Dostaviti:

- JP Vodovod i kanalizacija d.o.o. Skver bb, 75320 Gračanica,
- AVP Sava, ISV, Vodna knjiga,
- Sektor 50,
- Sektor 40, arhiva,
- Oglasna ploča